

集部

欽定四庫全書

續文章正宗卷二十至

詳校官右中允臣 敏

助教臣常循覆勘

覆校官中書臣康儀到 校對官中書臣楊世倫 腾録監生 臣周元梓

火に日早を与 印月 續文章正宗 胡 倪 燈事自知讀犯天威 誅而側聽逾旬威 溢 蘇 增訂 重編 原本 鮏

赦之又能聽之驚喜過望以至感泣何者改過不吝從 金グロアノラ 有君如此其忍負之惟當披露腹心捐棄肝腦盡力所 至思威加四海而屈於匹夫臣令知陛下可與為堯舜 而陛下翻然改命曾不移刻則所謂智出天下而聽於 可與為湯或可與富民而指刑可與强兵而伏邊敵 不至問之府司則買燈之事尋已停罷乃知陛下不 無而惟有顧此買燈產髮之失豈能上累日月之 如流此堯舜禹湯之所勉强而力行泰漢以來之 卷十 所 明

臣則有罪是以願終言之臣之所欲言者三願陛下結 後言合陛下果故而不誅則是既已許之矣許而不言 深君子所戒是以試論其小者而其大者固將有待而 而獨區區以此為先者蓋未信而諫聖人不與交淺言 至不知其他乃者臣亦知天下之事有大於買燈者矣 心厚風俗存紀綱而已人其不有所恃人臣恃陛下 主所恃者誰與書曰予臨兆民懷乎若朽索之取 一命故能役使小民恃陛下之法故能勝伏强暴至於

災足口車全等

續文章正京

金グロムと 散之間不容毫釐故天下歸往謂之王人 馬言天下莫危於人主也聚則為君民散則為仇雠 此必然之理不可逭之災也其為可畏從古以然茍 則死農夫 八由此觀之人主之所恃者, 一如水之有根如燈之有膏如魚之有水如農大 如商買之有財大無根則搞燈無膏則減魚無 人無田則飢商買無財則貧人主失人 在易丧志孰敢肆其胸臆輕犯人 老十八 人心而已 各有心謂 八心之於 、心乎昔子 心則亡

行仁義失衆而亡田常雖不義得衆而强是以君子未 專欲難成而孔子亦曰信而後勞其民未信則以為厲 論行事之是非先觀衆心之向背謝安之用諸桓未 車裂以狗而秦人莫哀君臣之間豈願如此宋襄公雖 旋踵而亡至於其身亦卒不免員罪出走而諸侯不納 已也惟商鞅變法不顧人言雖能驟致富强亦以召 怨 産焚載書以弭衆言貼伯石以安巨室以為衆怒難犯 下使其民知利而不知義見刑而不見德雖得天

飲定四車全書 ■

人徒文章正信

t

中外之人無賢不肖皆言祖宗以來治財用者不過 勢有不可則反為危唇自古及今未有和易同泉而 安剛果自用而不危者也今陛下亦知人心之不悅矣 是而衆之所樂則國以义安庾亮之召蘇峻未必非 奇夷皆惶惑賢者則求其說而不可得未 免於憂小 司使副判官經今百年未當關事令者無故又創 十餘軍分行管幹於外造端宏大民實際疑到法新 曰制置三司條例司六七少年日夜講求於內使者 9 色十 司

斯言 而莫之 吏原禄如此等類不可勝言而甚者至以為欲復內 利謂執政以天子之宰而治財商贾不行物價騰頭近 議置監官變路深山當行酒禁拘收僧尼常住減赶兵 自淮甸遠及川蜀喧傳萬口論說百端或言京師正店 則以意而度朝廷遂以為諺謂陛下以萬乗之主而言 (言雖未必皆然而疑似則有以致誇人必貪財也而後 7 ... '顧者徒曰我無其事又無其意何恤於人 出民且狼顧陛下與二三大臣亦聞其語矣然 清之年王六 八言 刑

欽定匹库全書 利之器也驅魔大而赴林藪語人曰我非獵也不如放 司條例司求利之名也六七少年與使者四十餘輩水 自解市列千金以購人人必不信誇亦不止夫制置三 子曰工欲善其事必先利其器又曰必也正名乎今陛 ·操其器而諱其事有其名而辭其意雖家置一 疑其盗人必好色也而後人疑其淫何者未置此司 無此謗豈去歳之人皆忠厚而今歳之士皆虚浮 而獸自馴操網罟而 W 江海語人 冢 કી

ラーフシー シニー 之設無乃冗長而無名智者所圖貴於無迹漢之文景 豈其然必若立法不免由中書熟議不免使宰相此 議而後行事若不由中書則是亂世之法聖君賢相夫 以創此司者不過以興利除害也使罷之而利不興害 心而安國本則莫若能制置三司條例司夫陛下之所 如捐網罟而人自信故臣以為消讒慝而召和氣復 不除則勿罷罷之而天下悅人心安興利除害無所 則何苦而不罷陛下欲去積與而立法必使宰相 續文章正宗 司

多好四母全書 司官屬與潜運使副而陛下與二三大臣孜孜講求磨 莫不然今所圖者萬分未獲其一也而迹之布於天下 成而人不知故曰善用兵者無赫赫之功豈惟用兵事 廢孟子有言其進銳者其退速若有始有卒自可徐徐 以歲月則積弊自去而人不知但恐立志不堅中道而 巳若泥中之關歐亦可謂扯謀矣陛下誠欲富國擇 治者與文景言賢者與房杜蓋事已立而迹不見功已 紀無可書之事唐之房杜傳無可載之功而天下之言 老十八

矣而富國之效茫如捕風徒聞內帑出數百萬婚祠部 安受其名而不解非臣愚之所識也君臣宵旰幾 論斷亦可知宰相人臣也且不欲以此自污而陛下獨 事不成使孔子而非聖人則此言亦不可用書曰謀 度五千餘人耳以此為術其誰不能且遣使縱橫太 静吉而作凶令自宰相大臣既已辭免不為則外之 2. 1. ... J. 1. ... 卿士至于庶人翕然大同乃底元吉若逆多而從少則 後何事不立孔子曰欲速則不達見小利則大 演文章正宗 議

景當時責成都縣未當遺使及至孝武以郡縣避緩始 贼公行出於無術行此下策宋文帝元嘉之政比於文 御史分行天下招攜户口檢責漏田時張說楊瑒皇前 極言其事以為此等朝辭禁門情態即異暮宿州縣威 命臺使督之以至蕭齊此弊不革故景陵王子良上 令典漢武遣繡衣直指桓帝遣八使皆以守宰狼籍盜 元中宇文融奏置勸農判官使裝寬等二十九人並攝 !便行驅迫郵傳折辱守宰公私煩擾民不聊生唐開

到庆四库全書

本十八

同多, 恐後之視今猶今之視昔且其所遣尤不適宜事少 觀其所行為是為否近者均稅寬恤冠蓋相望朝廷亦 皆州縣希肯以主為客以少為多及使百官集議都省 旅 覺其,非而天下至今以為誘曾未數歲是非較然 臣 而公御以下懼融威勢不敢異解陛下試取其傳讀之 璟楊相如皆以為不便而相繼罷點雖得戶八十餘萬 以與爭事少而員多則無以為功必須生事以塞責 7 輕而權重夫人輕而權重則人多不服或致 负文章正言 而

多定四庫全書 陛下雖嚴賜約束不許邀功然人臣事君之常情不從 粪長我禾黍何嘗曰長我梗稻耶今欲陂而清之萬頃 來不以種稻春人之歌曰涇水一石其泥數斗且溉 指意所在誰敢不從臣恐陛下赤子自此無寧歲矣至 其說即使相視地形萬一官吏茍且順從真謂陛下 於所行之事行路皆知其難何者汴水濁流自生民以 其令而從其意今朝廷之意好動而惡静好同而惡異)稻必用千顷之陂一歲一淤三歲而滿矣陛下遽信 且

略盡矣今欲鑿空尋訪水利所謂即鹿無虞豈惟徒勞 議者之肉何補於民天下久平民物滋息四方遺利盖 則量才録用若官私格沮並行點降不以赦原若材力 必大煩擾凡所擘畫利害不問何人小則隨事酬勞上 不言諸色人妄有中陳或官私誤與功役當得何罪 則妄庸輕剽浮浪姦人自此爭言水利矣成功則 與修便許申 糜裕廪下 奏替換賞可謂重罰可謂輕然並終 李農時限防 開水失故道雖

愛身勢必如此且古股廢堰多為側近目耕歲月既深 賞敗事則無誅官司雖知其疎豈可便行抑退所在追 知朝廷本無 必須且為與役何則格沮之罪重而誤與之過輕人多 有好訟之黨多怨之人妄言基處可作敗渠規壞所 集老少相視可否吏卒所過難大一空若非灼然難行 田産或指人舊業以為官陂婚田之訟必倍今日臣不)同永業首欲與復必盡追收人心或搖甚非善政 一事何苦而行此哉自古役人必用鄉白

猶見燕晉之東栗岷蜀之蹲鴟而欲以廢五穀豈不 常行今者徒聞江浙之間數郡雇役而欲措之天下是 必用牛馬雖其間或有以他物充代然終非天下所 酬勞長役所得既微自此必漸衰散則州郡事體憔悴 猶食之必用五穀衣之必用絲麻川之必用舟航地之 哉又欲官賣所在坊場以充衙前雇直雖有長役更無 知士大夫捐親戚棄墳墓以從官於四方者宣力之 亦欲取樂此人之至情也若凋弊太甚廚傳蕭然則 買した ニこ

郵定四庫全書 責官所自任矣自唐楊炎廢租庸調以為兩稅取大歷 肯為且今法令莫嚴於御軍軍法莫嚴於逃竄禁軍 役與府軍何異若有逃者何以罪之其勢必輕於逃軍 犯廂軍五犯大率處死然逃軍常半天下不知產人 於两稅之外別立 似危邦之陋風恐非太平之盛觀陛下試慮及此必不 則其逃必甚於今日為其官長不亦難乎近者雖便鄉 , 頗得雇人然至於所雇逃亡鄉户猶任其責今遂欲 科調之庸錢以備官雇則雇人

等第之民與鄉户均役品官形勢之家與齊民並事其 欠こつとこう 宰相之子不免戍邊此其所以籍口也古者官養民令 說曰周禮田不耕者出屋粟宅不毛者有里布而漢世 有多欲之君輔之以聚飲之臣庸錢不除差役仍舊使 **必愿後世豈可於兩稅之外別出科名萬一不幸後世** 天下怨識推所從來則必有任其各者矣又欲使坊郭 兩稅既兼之矣今兩稅如故奈何復欲取庸聖人立法 四年應于賦欽之數以定兩稅之額則是祖調與庸 續文章正宗 +

當爾何名役之且一歲之成不過三日三日之雇其直 者民養官給之以田而不耕勘之以農而不力於是乎 悅俗所不安縱有經典明文無補於怨若行此二者必 特三百而已大抵事若可行不必皆有故事若民所不 有里布屋栗夫家之征而民無以為生去為商賈事勢 怨無疑女户單丁蓋天民之窮者也古之王者首務恤 三百今世三大户之役自公卿以降無得免者其赀豈 而今陛下首欲役之此等茍非户将絕而未亡則

金片四月在重

たこうと こう 不折鈔乃知青苗不許抑配之說亦是空文只如治平之初 廷既有著令職司又每舉行然而買絹木嘗不折鹽糧草未當 |陛下始立成法每歲常行雖云不許抑配而數世之後暴君 官富有四海忍不加恤孟子曰始作俑者其無後乎春秋書 作丘甲用田賦皆重其始為民患也青苗放錢自苦有禁令 家有丁而尚幼若假之數歲則必成丁而就役老死而沒 下始豈不惜哉且東南買絹本用見錢陝西糧草不許折兒朝 污吏陛下能保之縣其日天下恨之國史記之曰青苗錢自陛 精大草正宗

請之户必皆孙貧不濟之人家若自有贏餘何至與官交 際千斛在市物價自平一市之價既平一邦之食自足 有必至理有固然且夫常平之為法也可謂至矣所守 易此等鞭撻已急則繼之逃亡逃亡之餘則均之鄰保勢 者約而所及者廣借使萬家之邑止有千斛而穀贵之 約束難恃豈不明哉縱使此令決行果不抑配計其問願 揀刺義勇當時記旨慰諭明言永不戊邊著在簡書有如 盟約于今幾日論議已搖或以代還東軍或欲抵換弓手

金好四月全書

常平青苗其勢不能兩立壞彼成此所喪愈多虧官害 行愁怨之民哭聲振野當時奉使還者皆言民盡樂為 陛下方欲力行必謂此法有利無害以臣愚見恐未可 憑何以明之臣項在陕西見刺義勇提舉諸縣臣當 親 民雖悔何速臣竊計陛下欲考其實則必然問人人 若盡數收雜則無借貸若留充借貸則所糴幾何乃知 無操瓢乞丐之弊無里正催驅之勞令若變為青苗家 斜則千户之外孰放其飢且常平官錢常患其少

たこりをとう

續文章正宗

豪商大買皆疑而不敢動以為雖不明言販賣然既已 歸心遂以無事不意今者此論復與立法之初其說尚 賣貴謂之均輸于時商贾不行盗賊滋熾幾至於亂孝 南詔之敗明皇何緣不知今雖未至於斯亦望陛下審 聽而已苦漢武之世財力匱竭用買人桑羊之說買賤 淺徒言徒貴就賤用近易遠然而廣置官屬多出縣錢 昭既立學者爭排其說霍光順民所欲從而子之天下 希合取容自古如此不然則山東之盜二世何緣不覺

金分四人生

卷十

Letter Deat Miles 商之額所損必多今有人為其主牧牛羊者不告其主 前商實之利何緣而得朝廷不知慮此乃捐五百萬稱 買是物必先設官置吏簿書原禄為費已厚非良不售 商賈之事曲折難行其買也先期而與錢其賣也後期 以與之此錢一出恐不可復縱使其間薄有所獲而征 非賄不行是以官買之價比民必貴及其賣也弊復 而取直多方相濟委曲相通倍稱之息由此而得今官 許之變易變易既行而不與商買爭利者未之聞也夫 綠文章正宗

甚祖曰善趣刻印及聞留侯之言吐哺而罵曰趣銷印 為過矣古之英主無出漢甚鄰生謀挠楚權欲復六 指為勞績陛下以為壞常平而言青苗之功虧商稅 金岁中人人生 **夫稱善未幾繼之以罵刻印銷印有同兒戲何當累髙** 執徳不一用人不終是以遲留歲月庶幾萬一臣竊以 至明豈有不晓必謂已行之事不欲中變恐天下以為 取均輸之利何以異此陛下天機洞照聖略如神此事 一牛而易五羊一牛之失則隱而不言五年之獲則 而

卷十八

陛下者乎夫國家之所以存亡者在道德之淺深而 少矣亦嘗有以國家之所以存亡歷數之所以長短告 起矣臣之所願結人心者此之謂也士之進言者為不 狗高論而逆至情持空名而邀實禍未及樂成而怨已 戰國貪功之人行險僥倖之說陛下若信而用之則是 與樂成難與慮始故勸陛下堅執不顧期於必行此乃 知其不可而罷之至聖至明無以加此議者必謂民 祖之知人適足以明聖人之無我陛下以為可而行之 續文章正宗 100

١

徳不以貧而傷風俗而智者觀人之國亦必以此察之 在乎富與貧道德誠深風俗誠厚雖貧且弱不害於長 在乎强與弱歷數之所以長短者在風俗之厚薄而 武既平具何曾知其将亂隋文既平陳房喬知其不 齊至强也周公知其後必有篡弑之臣衛至弱也季子 主知此則知所輕重矣是以古之賢君不以弱而忘道 知其後亡具破楚入郢而陳大夫逢滑知楚之必復晉 而存道德誠淺風俗誠薄雖强且富不救於短而亡人

飲定四車全書 如人之壽大人之壽大在元氣國之長短在風俗世有 前謂之有功可也而國之長短則不在此夫國之長 亂起臣願陛下務崇道德而厚風俗不願陛下急於有 無害及其已耗則威壯而愈危是以善養生者慎起 **尫羸而壽考亦有盛壯而暴亡若元氣猶存則尫羸而** 功而貪富强使陛下富如隋强如秦西取靈武北取然 生宣宗收热趙復河湟力强於憲武矣銷兵而龐勛之 元帝斬郅支朝呼韓功多於武宣矣偷安而王氏之 續文章正宗 : 五 釁

節飲食導引關節吐故納新不得已而用藥則擇其品 與此無殊故臣願陛下愛惜風俗如護元氣古之聖人 其所得小而所喪大也曹麥賢相也曰慎無擾獄市 於过闊老成初若遲鈍然終不肯以被而易此者 品代真氣而助强陽根本已空僵什無日天下之勢 不善養生者薄節慎之功遲吐納之效厭上藥而 一性之良可以久服而無害者則五藏和平而壽 知深刻之法可以齊衆勇悍之夫可以集事忠厚 顧

齊天下馴致澆薄以及播遷我仁祖之御天下也持法 至宽用人有叙專務掩覆過失未當輕改舊章然考其 翁然天下想望庶幾貞觀及盧杞為相諷上以刑名整 南為相祐甫以道德寬大推廣上心故建中之政其聲 在急速集事好利之黨相師成風德宗初即位擢崔祐 霸循吏也曰治道去泰甚或譏謝安以清談廢事安笑 曰春用法吏二世而亡劉晏為度支專用果銳少年務 功則曰未至以言乎用兵則十出而九敗以言其府 我 上 世 日 二

尚免恐非朝廷之 圖 取次可用必欲廣置耳目務求瑕疵則人不自安各圖 誰無過國君含垢至祭無徒若陛下多方包容則人 知本矣今議者不察徒見其末年吏多因循事不振樂 庫則僅足而無餘徒以道徳在人風俗知義是以升 乃欲嬌之以苛察齊之以智能招來新進勇銳之人 日天下如喪考妣社极長遠終必賴之則仁祖可謂 切速成之效未享其利澆風已成且天時不齊 '福亦豈陛下所願哉漢文欲用虎

致定四庫全書

黄忠豪勇之姿以先主君臣之契尚復愿此而況其 張之倫若班爵遽同則必不悅其後關羽果以為言以 卓異之器必有已成之功一則使其更變而知難事 為後将軍而諸葛亮慶其不可以為忠之名望素非 應對遲鈍而退人以虛誕無實為能文以矯激不仕為 有德則先王之澤遂将散微自古用人必須思試雖有 ,则待其功高而望重人自無辭告先主以黃忠 Act 1 Jun 13 130

嗇夫釋之以為利口傷俗今若以口舌捷給而取士

欽定四庫全書 悔其說用之晚歲其術必精不幸喪亡非意所及不然 器也而易言之正如趙括之輕泰李信之易焚若文帝 屬國欲係單于則是處士之大言少年之銳氣告高祖 巫用其說則天下殆將不安使賈生 當歷艱難亦必自 世常謂漢文不用賈生以為深恨臣嘗推究其旨竊謂 以三十萬東困於平城當時將相羣臣豈無賈生之比 不然贾生固天下之竒才所言亦一時之良策然請為 (表五铒人知其竦而欲以困中行說尤不可信兵凶

得者必皆以沈淪為恨使天下常調舉生妄心耻不若 得公卿侍從跬步可圖其得者既不以僥倖自名則 難而錯之術亦窮矣文景優劣於此可見大抵名器爵 薄文帝之世止於太子家令而景帝既立以為御史大 飲定四車全書 禄人所奔趨必使積勞而後遷以明持久而難得則 各安其分不敢躁求令若多開驟進之門使有意外之 文帝豈棄才之主絳灌豈故賢之士至於晁錯尤號刻 夫申屠嘉發憤而死更法改令天下騷然及至七國發 續文章正官

常須十年以上荐更險阻計析毫釐其間一事替牙常 進若巧者侵奪已甚則拙者迫以無聊利害相形不得 非守則令員多闕少久已患之不可復開多門以待巧 服隨至使積勞久次而得者何以厭服哉夫常調之人 至終身淪棄今乃以一 不察故近來朴拙之人愈少而巧進之士益多惟陛下 何所不至欲望風俗之厚豈可得哉選人之改京官 一悟之哀之救之如近日三司獻言使天下郡選 人之薦舉而予之猶恐未稱章

體各懷進用之心轉對者望以稱旨而驟遷奏課者求 輕重相權如問如唐則外重而內輕如秦如魏則外 為優等而速化相勝以力相高以言而名實亂矣惟陛 後審官吏部又有三百餘人得先占闕常調待及不其 臣之所願厚風俗者此之謂也古者建國使內外相 愈難此外勾當發運均輸按行農田水利已據監司之 下以簡易為法以清淨為心使姦無所緣而民徳歸厚 人催驅三司文字許之先次指射以酬其勞則數年之 續文章正宗 十九 制

狄定四車全島

恭惟祖宗所以預圖而深計固非小臣所能應度而 長風采所繋不問尊甲言及乗與則天子改容事關 未當罪一言者縱有薄責旋即超升許以風聞而無官 觀素漢以及五代諫爭而死蓋數百人而自建隆以來 家租賦總於計省重兵聚於京師以古揆今則似內重 知然觀其委任臺諫之 大國問鼎之憂聖人方盛而處哀常先立法以救與國 而內重內重之與必有姦臣指鹿之患外重之與必有 端則是聖人過防之至計 周

分クロルノニモ

巻十八

臺諫折之而有餘及其既成以干戈取之而不足今法 而畜不吠之狗陛下得不上念祖宗設此官之意下為 哉将以折姦臣之前而我內重之弊也夫姦臣之始以 令嚴密朝廷清明所謂姦臣萬無此理然養猫以去鼠 所言亦未必皆是然須養其銳氣借之重權者豈徒然 風旨而已聖人深意流俗豈知擢用臺諫固未必皆賢 廟則宰相待罪故仁宗之世議者譏宰相但奉行臺諫 可以無鼠而養不捕之猫畜狗以防姦不可以無姦 ういここ 黄文重正宗

一多年四年全書 怨識交至公議所在亦可知矣而相顧不發中外失望 心未安公議不允當時臺諫以死爭之今者物論沸騰 始建稱親之議本非人主大過亦無禮典明文徒以衆 **夫彈劾積威之後雖庸人亦可以奮揚風采消委之** 與臺東亦與之公議所擊臺東亦擊之及至英廟之和 子孫立萬世之防朝廷紀綱熟大於此臣自幼小所記 及聞長老之談皆謂臺諫於言常隨天下公議公議所 豪傑有不能振起臣恐自茲以往習慣成風盡為勃

之言良不為過是以知為國者平居必常有忘驅犯顏 宗以再亂其心本生於患失而其禍乃至於喪邦孔子 鄙夫之患失不過備位而首容及觀李斯憂蒙恬之奪 其權則立二世以亡泰盧把憂懷光之數其惡則誤德 之尚患失之無所不至矣臣始讀此書疑其太過以為 夫可與事君也與哉其未得之也患得之既得之患失 政私人以致人主孙立紀綱一廢何事不生孔子曰鄙 之士則臨難庶幾有狗義守死之臣茍平居尚不能

, ス・・) . ! こここ

尚文章正实

Í

有小人居其問則人主何緣得以知覺臣之所謂願存 哉君子和而不同小人同而不和和如和羹同如濟水 |多定匹庫全書 故孫寶有言周公上聖召公大賢猶不相悅著於經典 王述不悅以為人非堯舜安得每事盡善導亦飲私謝 言則臨難何以责其死節人臣苟皆如此天下亦曰 殆 網者此之謂也臣非敢歷武新政苟為異論如近日 若使言無不同意無不合更唱选和何者非賢萬 不相损晉之王導可謂元臣每與客言舉坐稱善而

君曾莫之罪書之史冊以為美談使臣所獻三言皆朝 是哉周昌以漢高為桀紂劉毅以晉武為桓霊當時 昔禹戒舜曰無若丹朱傲惟慢遊是好舜豈有是哉周 皆陛下神第之至明乾剛之必斷物議既允臣敢有辭 ていり シニラ 廷未嘗有此則天下之幸臣與有馬若有萬一 然至於所獻三言則非臣之私見中外所病其誰不知 裁減皇族恩例刋定任子條式修完器械 閱習 鼓旗 公戒成王曰無若商王受之迷亂酗於酒徳成王豈有 绮文章正言 一似之

對從容久之至謂臣曰今政令得失安在雖朕過失指 家門小則削籍投荒流離道路雖然陛下必不為此 陳可也臣即對曰陛下生知之性天縱文武不患不 臣本意已期窟逐敢意自全而陛下獨然其言曲賜 也臣天賦至愚為於自信向者與議學校貢舉首違大 陛下安可不察然而臣之為計可謂愚矣以螻蟻之 試雷変之威積其狂愚豈可屢故大則身首異處破壞 不患不勤不患不斷但患求治太速進人太銳聽言太 卷十八

多好四月全書

復毀至於再三感陛下聽其一言懷不能已卒吐其說 者譏刺既衆怨仇實多必將該臣以深文中臣以危法 當熟思之臣之狂愚非獨今日陛下容之久矣豈有容 使陛下雖欲故臣而不得豈不殆哉死亡不辭但恐天 廣又俾述其所以然之狀陛下頷之曰御所獻三言朕 下以臣為戒無復言者是以思之經月夜以繼日書成 之於始而不赦之於終恃此而言所以不懼臣之所懼 陛下憐其愚忠而卒赦之不勝俯伏待罪憂恐之至

郵定四庫全書 賢舉動明白正直不當如是那所用之人有那有正所 諫如流改過不憚號為秦漢以來百王之冠孔子曰君 子錄之自古聰明豪傑之主如漢萬帝唐太宗皆以受 子之過如日月食馬過也人皆見之更也人皆仰之 臣聞之益戒于禹曰任賢勿貳去邪勿疑仲虺言湯之 曰用人惟已改過不吝秦穆喪師于崎悔痛自誓孔 再上皇帝書

作之事有是有非是非邪正兩言而定正則用之邪

たこうという 然争言其不便以至臺諫二三人本其所與締交唱和 行新法皆不與治同道立條例司遣青苗使斂助役錢 識淺陋不足以感動聖明近者故相舊臣藩鎮侍從雜 行均輸法四海騷動行路怨咨自宰相以下皆知其非 必飲豈有別生義理曲加粉飾而能與天下哉書曰與 而不敢爭臣愚蠢不識忌諱廼者上疏論之詳矣而學 去之是則行之非則改之此理甚明猶飢之必食渴之 治同道問不興與亂同事問不亡陛下自去歲以來所 續文章正宗 古

例司令者側聽所為蓋不過使監司體量抑配而已 勢迫切而不可止歟自非見利忘義居之不疑者孰肯 終始勝固不自前洗如具師孟乞免提舉胡宗愈不願 外誰言陛下已有悔悟意道路相慶如蒙大賽實望性 表襄之人也然卒不免一言其非者豈非物議沸騰事 下於旬日之間海發德音洗蕩車僻追還使者而罷條 未悟所較幾何此孟子所謂知兄臂之不可終而姑 詳如逃垢穢惟恐不脫人情畏惡一至於此近者中

多分四月全書

とこうシーハニラ 是哉臣又聞陛下以為此法且可說之三路臣以為此 勸以徐知鄰難之不可攘而月取其 法譬之醫者之用毒藥以人之死生而該其未效之方 一路之民豈非陛下赤子而可武以毒藥乎今日之 人而已一日民二日軍三日吏四日士此四人者 非敢過為危論以聲動陛下也自古存亡之所寄者 其心足以生變今陛下 用則小敗大用則大敗若力行而不已則亂亡隨之 續文章正宗 舉而兼犯之青苗助役 帝王改過豈 孟

多置開局以摘老成而吏始解體矣陛下臨軒選士天 新進小生外則不責成於守令監司而專用青苗使者 贬殺軍分有同降配遷徙淮甸僅若流放年近五十 併省諸軍迫逐老病至使戍兵之妻與士卒雜處其間 法成則農不安均輸之令出則商賈不行而民始憂矣 謂之龍飛勝而進士一人首削舊恩示不復用所 懷憂而軍始怨矣內則不取謀於元臣侍從而專用 人而已然士莫不悵恨者以陛下有厭薄其徒

多好四月全書

をこり という 相與出力而亡秦者豈有他哉亦徒以失業而無歸也 長終不在此昔秦禁挾書而諸生皆抱其業以歸勝廣 意也今用事者又欲渐消進士純取明經雖未有成法 禍亂之原有大於此者宁今未見也一旦有急則致 故臣願陛下勿復言此民憂而軍怨吏解體而士失望 望矣令進士半天下自二十以上便不能誦記注義為 明經之學若法令一更則士各懷廢棄之憂而人才 招權自以為功更相扇搖以謂必行而士始失 續文章正守 千六 短

乎不惟不可禁廼不當禁也何以言之若此錢放而 行賂以求不併則士卒不樂可知矣夫諂諛之人茍務 合意不憚與罔者類皆如此故凡言百姓樂請青苗發 之士必寡矣方是之時不知希合茍容之徒能為陛下 出助役錢者皆不可信陛下以為青苗抑配果可禁 心樂併告陛下近者放停軍人李與告虎真吏率錢 板蕩止土崩乎去年諸軍之始併也左右之人皆 以 州縣官吏不免責罰若此錢果不抑配則願請

金以口屋石書

等失勢矣於是相與獻謀而充復留則晉氏之亂成於 教力排之及充出鎮泰京忠臣義士莫不相處屈指數 官吏不亦難乎故臣以為既行青苗使則不當禁抑配 太平而近日之事乃有文過遂非之風此臣所以憤懑 太息而不能已也昔賈充用事天下憂恐而庾終任愷 其勢然也人皆謂陛下聖明神武必能徙義修慝以致 户後必難收索前有抑配之禁後有失陷之罰為陛下 H 以望惟新之化而馮統之徒更相告曰賈公遠放吾

欠三日日心語

橋文章正宗

多矣不敢復望寬恩俯伏引領以待誅殛 皆如臣等輩偷安懷禄而不忍去哉猖狂不遜忤陛下 民之事非一而好兵者必亡此理之必然者也夫惟聖 下為進退之決或再失望則知幾之士相率而逝矣豈 以為之計謀遊說者衆也今天下賢者亦将以此觀陛 此矣自古惟小人為難去何則去一人而其黨破壞是 聞好兵猶好色也傷生之事非一而好色者必死賊 代張方平諫用兵書

多分四月石言

士東久役有潰叛之志變故百出皆由用兵至於與事 則變遲而禍大其不勝也則變速而禍小是以聖人 とこうことにう 其終必致水旱之報上則將帥擁東有跋扈之心下則 則百姓窮匱飢寒逼迫其次必有盗賊之憂死傷愁怨 金內外騷動殆於道路者七十萬家內則府庫空虛外 計勝負之功而深戒用兵之禍何者與師十萬日費千 也必無意外之患後世用兵皆得已而不已故其勝也 人之兵皆出於不得已故其勝也享安全之福其不勝 續文章正宗

首議之人冥謫尤重盖以平民無故緣兵而死怨氣充 所未之有也漢武帝承文景富溢之餘首挑匈奴兵連 土未乾天下怨叛二世被害子嬰就擒滅亡之酷自古 **精必有任其咎者是以聖人畏之重之非不得已不敢** 不敢復言請為陛下言其勝者泰始皇既平六國復事 用也自古人主好動干戈由敗而亡者不可勝數臣今 胡越戍役之患被於四海雖拓地千里遠過三代而墳 不解逆使侵尋及於諸國歲歲調發所至成功建元之

多员四月全書

をナハ

帝既下江南繼事夷狄煬帝嗣位此志不哀皆能誅滅 無敢尤喜用兵既已破滅突殿高昌吐谷渾等猶且未 自是師行三十餘年死者無數及巫蠱事起京師流血 間兵禍始作足時蚩尤旗出長與天等其春戾太子生 殭國威震萬里然而民怨盜起亡不旋踵唐太宗神武 與之終始帝雖悔悟自克而及身之恨已無及矣隋文 欠三日年八三百 厭親駕遼東皆志在立功非不得已而用其後武氏之 數萬太子父子皆敗故班固以為太子生長於兵 續文章正宗

利慮患不深臣故曰勝則變遜而禍大不勝則變速 每讀書至此未當不掩卷流涕傷其計之過也若使此 宗仁聖寬厚克已裕人幾至刑措而一傳之後子孫塗 炭比豈為善之報也哉由此觀之漢唐用兵於寬仁之 後故勝而僅存秦隋用兵於殘暴之餘故勝而遂滅 難唐室凌遲不絕如緩蓋用兵之禍物理難逃不然太 四君者方其用兵之初隨即敗如惕然戒懼 前禍敗之與當不至此不幸每舉報勝故使祖於功 知用兵之

金分四月五十

卷十

心天地思神諒其有不得已之實故也今陛下天錫勇 智意在富彊即位以來繕甲治兵伺候鄰國羣臣窺見 之間敗者三四所喪動以萬計而海内晏然兵休事已 心樞臣當國論者無處害持難之識在臺諫之職者無 此指多言用兵其始也弼臣執國命者無憂深思遠之 士惰媮兵革朽鈍元昊乗間竊發西鄙延安涇原麟府 禍小不可不察也昔仁宗皇帝覆育天下無意於兵将 而民無怨言國無遗患何者天下臣庶知其無好兵之 丰

欠己日中心

續大章正宗

勝以稱上心於是王韶構禍於熈河章惇造釁於梅 出無功感悟聖意然淺見之士方且以敗為耻力欲求 之謀韓絲效深入之計陳升之呂公弼等陰與之協力 獻替納忠之議從燬至著遂成厲階既而薛向為橫山 不直陛下也尚賴祖宗精累之厚皇天保佑之深故使兵 月何者用兵之端陛下作之是以吏士無怒敵之意而 而天怒人怨邊兵背叛京師騷然陛下為之旰食者累 師徒喪敗財用耗屈較之實元慶歷之敗不及十一

金分四是白雪

難測臣實畏之且夫戰勝之後陛下可得而知者凱旋 少東而李憲之師復出於洮州矣今師徒克捷銳氣方 斃於輸送貨糧器械不見敵而盡以為用兵之意必且 火ビョーという 盛陛下喜於一勝必有輕視四夷陵侮敵國之意天意 安南使十餘萬人暴露瘴毒死者十而五六道路之人 熊本發難於渝瀘然此等皆脫殺已降俘累老弱困弊 腹心而取空虚無用之地以為武功使陛下受此虚名 而忽於實禍勉强砥礪奮於功名故沈起劉奏復發於 續文章正宗 手

臂自經之狀陛下必不得而見也慈父孝子孤臣寡婦 刃之下宛轉於刀几之問雖八珍之美必將投筋而不忍 捷奏拜表稱賀赫然耳目之觀耳至於遠方之民肝 强府庫充實如秦漢隋唐之君則既勝之後禍亂方興 以為膳羞食者甚美死者甚苦使陛下見其號呼於挺 之哭聲陛下必不得而聞也譬猶屠殺牛羊豹臠魚鼈 食而況用人之命以為耳目之觀乎且使陛下將卒精 屠於白双筋骨絕於飽的流離破產鬻賣男女薰眼折

金石区屋石雪

P. 17 1 / 11 7 夜不寐臨食而歎至於慟哭而不能自止也且臣聞 方深內患復起則勝廣之形將在於此此老臣所以終 横飲隨作民窮而無告其勢不為大盜無以自全邊事 逮而数年以來公私窘乏内府累世之積掃地無餘州 尚不可救而況所任将吏罷軟凡庸較之古人萬萬不 之後所在盗賊姦起京東河北尤不可言若軍事 郡在稅之儲上供好盡百官原俸僅而能繼南郊賞給 久而未辨以此舉動雖有智者無以善其後矣且餓疫 讀文章正宗

各自責庶幾可解今乃紛然詰責奴婢恣行筆楚以此 背以之舉事必敗蓋天心向背之迹見於災祥豐歉之 問今自近歲日蝕星變地震山崩水旱瀬疫連年不解 事親未有見放於父母者故臣願陛下遠覧前世與亡 顧興事不已譬如人子得過於父母惟有恭順静點引 民死将半天心之向背可以見矣而陛下方且斷然不 之迹深察天心向背之理絕意兵革之事保疆睦鄰好 凡舉大事必順天心天之所向以之舉事必成天之所

多分四月全書

深居九重而輕議討伐老臣庸懦私竊以為過矣然而 濟四方億兆之命則臣雖老死溝壑瞑目於地下矣昔漢 静無為為社稷長久之計上以安二宮朝夕之養下以 而折之則難為功凡有血氣之倫皆有好勝之 白登被圍則講和親之議西域請吏則出謝絕之言此 祖破减羣雄遂有天下光武百戰百勝祀漢配天然至 一帝者非不知兵也蓋經變既多則慮患深遠今陛下 (臣納說於君因其既厭而止之則易為力迎其方 銳 商之章王云

哀痛悔恨而追咎左右大臣未嘗一言臣亦將老且死 者誠見陛下聖他寬大聽納不疑故不敢以眾人好勝 之常心望於陛下且意陛下他日親見用兵之害必将 氣之威也雖布衣賤士有不可奪自非智識特達度量 多足匹庫全書 見先帝於地下亦有以籍口矣惟陛下哀而察之 過人未有能於勇銳奮發之中舍已從人惟義是聽者也 今陛下盛氣於用武勢不可回臣非不知而獻言不已 陳州為張安道論時事書 灭 蘇

愿不宜以中外為嫌有所不盡古人有言雖乃身在外 求還問舍區區之誠久而未獲陛下視臣志氣一哀至 念頃以老疾不任吏事陛下未忍廢棄親擇便地以遂 任以來于今一歲心目昏眩有加無瘳故嘗乞丐餘生 安養將辭之日面承德音以為大臣之義皆當為國謀 乃心罔不在王室伏惟聖徳廣大無所不容而臣自到 陳州非有言責而輕言之計其狂愚茲實有罪然臣伏 伏以中外臣庶各有職事越職而言國有常憲臣守上

次足口車公告 一

為文章正宗

三十四

為陛下驗之百姓而安危之機實在於此自惟受思累 山陵深如費用之廣推明先帝薄葬之命以詔有司 見陛下即位之始計慮深遠凡有所建動合天心始議 グラロノノニー 明也凡皆陛下之所嘗試而臣愚之所與聞者耳臣伏 之所欲言者非敢逐引前古逆探未然以感陛下之聰 聖邦之休戚身實同之志力雖衰於義不可嘿已然臣 之間久無所與今者竊有所懷上為陛下參之官吏下 此豈復有意別白是非而與世俗争議也哉是以得失

大三四年公馬 變之後而無不翹然想聞德音以忘其憂兩官敬於九 議徭役以寬民力盛德之事不可具紀是時天下雖大 讟之聲不聞於問里陛下優游無為而天下已治矣為 族親睦羣臣萬民蒙福而安紛紜之議不至於朝廷謗 惇孝悌之行勉勵州郡先農桑之政復轉對以廣言路 恨者几有幾以臣觀之非獨陛下無所悔恨雖天下之 方聞之無不感泣其後一年之間誕布號令勘率宗族 如此豈不樂哉陛下自今視之當日之政其為可悔 續文章正宗

帛假之以干戈小人貪功慮害不遠輕發深入結怨西 戎攘奪尺寸無用之土空竭內府累世之積大者疲弊 安耳易曰易則易知簡則易從易知則有親易從則有 金ピノロアノニアー 是延安有横山之謀保安有招誘之計陛下饒之以金 用意過當姦臣緣除得進那說始議開邊以中上旨於 功有親則可久有功則可大嚮使陛下推行此道終始 不變則臣以為久大之功可得而致矣其後求治太切 人亦未有以為失當者也何者政令簡易而人情之所 卷十

欽定四庫全書 常平青苗再出而為揀兵併營三出而為出錢雇役四 然而陛下天姿英果有漢或宏達之量雖復兵吏失律 出而為保甲教閱四者並行於世官吏疑惑兵民愤怨 出自是以來凡所變革不可悉數其最大者一出而為 從之置條例司而講求天下之遺利已酉之秋新政始 財利之說陛下樂聞其利而未暇深究其害於是舉而 秦雍小者身死寇雠西鄙騒然不寧而陛下始一悔矣 而立功之意未當少東是以左右大臣測知此心復進 长十八 建工宗

之當宁太息日是而不食矣然猶幸其成功力排衆人 諫争者童交於朝誹謗者聲播於市陛下不勝其煩為 失弄再生戎心帷幄之臣謀之不臧不務安之而務撓 推恩撫之而終不以為惠及謂陛下畏之耳不幸邊臣 兵併營之策其害先見武夫凶悍為怨最深為患最急 之議而固守之天下方去厭苦而不知其所止也而揀 而陛下既再悔矣然軍中之口猶復匈匈不靖陛下雖 陛下知其不可於是多支月糧復收退卒以順適其意

欽定四庫全書 ~ 詔投寬元宰以謝二鄙而陛下既三悔矣夫此三者方 接之兵相繼潰叛四方震動君臣宵旰而後下罪已 不守之地困弊腹心以求無益之功使春晉之民父子 流離肝腦塗地我人徼易受屈己葬之城隨即傾覆 其未悔也陛下亦以為是邪非邪陛下犯逆眾心力 二臣者方以為萬舉而萬全既而出兵無人之境築城 入之計當此之時天下之心知其必敗矣而陛下與 '臨遣執政付以疆事多出金幣豫書語敕以成其深 した文章正宗 李七

者鄰國也今陛下既已欺民犯兵而侮鄰國矣夫犯兵 然則方今陛下之所是而未悔者無乃亦類此數臣 之所以寒心也易曰不遠復無祗悔元吉事之未敗也 俊鄰發速而禍小至於欺民則變遲而禍大變速而 禍 衆而不可欺者民也勇而不可犯者兵也險而不可 而不顧其必以為是不以為非也然而其終卒至於此 之憂陛下既知悔矣而上崩之患陛下未以為意此臣 小者瓦解之爱也變遲而禍大者上崩之患也今瓦解

其亦知之矣徘徊而不改使民無所告訴加之以水旱 とこりにいるう 英雄栗間而作板臂一呼而千人之衆可得而聚也 灼耳目嫁母分居賤賣田宅以自脫免非一家也陛下 悔者亦有三而已青苗助役保甲三者之弊臣不復言 矣何也言事者論其不可非一人也百姓毀壞支體燻 復已遠而悔亦大矣且臣觀之方今陛下之所是而未 陛下不悟其非必俟其敗而後悔如向三者則陛下 以饑饉積憾之民奮為羣盗侵淫蔓延滅而復起 續文章正宗

多悔恨自責孰與今日之切陛下誠以此較之則不待 金らいたろうせ 臣言之終而得失可以自決矣且夫即位之政陛下之 交口爭群孰與今日之衆陛下聽覽渡勘孰與今日之 而徇臣下之過計臣竊以為過也雖然臣竊聽之道 本心也今日之事臣下之過計也陛下棄即位之本心 雖欲復悔而無所及矣故臣願陛下取即位之政與今 此而勝廣之形成此所謂去崩之勢也臣恐陛下至此 日之事而試觀之天下擾擾不安熟與今日之甚厚臣

侯樂昌侯平恩侯及有識者詳議乃可此三人者非賢 持之而不釋陛下聰明廢知廢置自我而獨為此鬱鬱 於建議之臣耳夫人臣進謀於其君苟事之不遂而變 陛下為社稷之計欲改過以安天下而怙權固位之臣 其用拾之命在於人主此人臣之所以不便也臣竊痛 方今陛下則亦悔之矣悔之而不變非陛下之意也迫 也漢宣帝與趙充國擊匈奴魏相非之以為當與平昌 以稅眾則人主有以測其深淺人主有以測其深淺則 コンロュートニラ 織文章正宗 ž.

望爵賞之意則過於充國遠甚充國猶不可聽而況 金分四月五十 臣自少讀書好言治亂方陛下求治之初上 謀之臣不知其可也臣不勝區區忘身憂國之誠是 如充國者哉陛下将安民保國而與喜功伐好權利者 勢踈而言切惟陛下察之 於趙克國也然其與國同憂樂無僥倖功名之心與希 廢在狷召對便殿親聞徳音九品賤官自此始得 自齊州回論時事書 表十八 一書言事隆

並困市易行而商賈皆病上則官吏勞若患其難行 苗行而農無餘財保甲行而農無餘力免役行而公私 置曾何足云然自頃歲以來每有更張民率不服蓋青 請外補於今七年而天下之治安終未可見臣竊疑之 矣既而誤家恩澤受職條例抗論得失與有司不合得 伏惟陛下天縱聖徳聰明春智不學而具其於謀應措 登對論事當此之時陛下好問之聲震動海內愚賤之 人萬信寡慮以為天下之事可得徐陳遍舉指顧而定 喻文章正京 1

道聖意易置輔相中外踊躍思視寬政而歷日彌月寂 宴無聞衆心皇皇如久飢而不得食臣雖愚**陋竊獨為** 庶凡天下之所共疾惡者陛下無一不知由此觀之 則眾庶愁嘆願其速改凡此四者豈陛下之聖明有所 陛下恨也陛下自即位以來求治之心常若不及意 天下之所共怨苦者陛下何所不察今者皇天悔禍啟 不知耶臣以為非也陛下之聖明無所不知何以言之 年以來陛下屢發英斷廢置大吏數其罪怒明示

金克匹库全書

卷 /

してこうこと しこう 陛下恨也且今天下之安危智者不再計矣水旱連年 之又循其舊術而不改将遂代之任咎此臣之所以為 至於此天下之人孰不知之今也既知其不可用而去 恐天下有以窥其深淺耶臣聞人主之德如天天之於 死者将半遺民飢困盜賊滿野疆場未寧軍旅在外府 以堯舜之隆平易漢唐之淺陋不幸左右不明陵遲以 ,見矣然陛下獨遲遲而不決意者已為之而已廢之 一空站邊態寡少事之可憂者何可勝數術之不效斷 續文章正言 四十

失莫能嬰也去惡如棄塵垢遷善如殺飢渴與民一新 金片四母全書 皆仰之今陛下誠先治其心使虚一而静湛乎彼我得 早之虐何者度量廣大改過無疑也如使密雲而不雨 曰君子之過也如日月之食焉過也人皆見之更也 既雨而中止遲疑猶豫久而不忍則天之生物盡矣傳 罷此四事青苗之既散者要之以三歲而不收息保甲 物也熾然而旱赤地千里草木皆死可謂虐矣然至雷 雨時作膏澤洋溢百穀奮起民復粒食鼓舞盛德而忘 をナハ

為社稷壽之臣謹列四事之害畫一以獻不勝愚忠憤 伏因上之誅以謝左右陛下誠不信臣數年之後親受 早復作盜賊復起財用復竭誠有一事以憂陛下臣請 通商買以發市易之令行之春年而觀之苗民不安居水 懣之誠干犯天威伏俟鈇鉞 其弊矣古人有言曰一點之不忍而終身慙乎唯陛下 之既團者存其舊籍而不任事復差役以罷免役之 ノーフルーニア 清之帝王六

内君子外小人則謂之泰內陰外陽內小人外君子 求復進不免百端游說動搖貴近臣愚竊深憂之若陛 久當遺臭朝廷之患自此始矣昔聖人作易內陽外 廣大無所不容之意則冰炭同處必至交爭董猶共器 帖然莫以為非者惟姦邪失職居外日夜窺伺便利規 之政下無聚劍之怨天下雖未大治而經今五年中 臣竊觀元祐以來朝廷改更弊事屏逐羣枉上有忠厚 下不察其實大臣惑其邪說遂使忠邪雜進於朝以示

金克匹庫全書

×

安之於桓氏亦用之於外而已未嘗引之於內與之 江左遂安故晉史稱安有經遠無競之美然臣竊謂謝 謂之否蓋小人不可使在朝廷自古而然矣但當置之 則泰卦之本意也昔東晉桓溫之亂諸桓親黨布滿中 於外每如安存使無失其所不至憤恨無聊謀害君子 也向使安引桓氏而真諸朝人 及溫死謝安代之為政以三桓分沿三州彼此無 ; 謝安將不能保其身而況安朝廷中頃者 ... 、懷異心各級自行 ביים לכ

一多定匹库全書 恩賜常使彼此如 **愈怨此二者皆過矣故臣以為小人雖決不可任以腹** 一待制而明堂薦子止得選人蒲宗孟曾布所犯明有典 懲前之失凡在外臣僚例蒙摧沮盧東何正臣皆身為 法而降官褫職唯恐不甚明立痕迹以示異同為朝 心至於牧守四方奔走庶事各隨所長無所偏廢龍禄 確形恕之流敢出妄言以戡愚惑衆及確恕被罪有 臣專務含養小人為自便之計既小人 無迹可指此朝廷之至計也近者 卷十八日行 內有所主故蔡 司

黨以謂小人必由此彙進臣當論溫伯之為人粗有 藝無它大惡但性本柔弱委曲從人方王珪整確用事 朝廷用鄧溫伯為翰林承旨而臺諫雜然進言指為 為過也若謂其懷挾姦詐能首為亂階則甚矣蓋臺 其左右附麗無所損益遇流便轉緩急不可保誠信不 下謹守元祐之 '言温伯則過至為朝廷遠慮則未為過也故臣願 **頤指如意及司馬光吕公著當國亦脂韋其間若以** 初政久而彌堅慎用左右之近臣無雜 関之年日は

並處朝廷因復口陳其詳 戴以忘其死則垂拱無為安意為善愈久而愈無患矣 臣今月二十二日延和殿進呈劄子論君子小人 朝廷安矣 敦斯義勿謂不預改更之政軟懷異同之心如此而後 邪正至於在外臣子以恩意待之使嫌除無自而生爱 不勝區區博采公議而効之左右伏乞宣諭大臣 再論分别邪正智子 长十八 人聽竊觀聖意類不以

近君子斤遠小人則人主尊榮國家安樂疏外君子進 **救其失者謹復稽之古今考之聖賢之格言莫不謂親** 之私言也故孔子論為邦則曰放鄭聲遠接人子夏論 念若使邪正並進皆得與聞國事此治亂之幾而朝廷 臣言為非者然天威咫尺言詞迫逐有所不盡退伏思 以安危者也臣誤蒙聖恩典司邦憲臣而不言誰當 一徳則曰舉皇陶則不仁者遠論湯之徳則曰舉 人則人主憂辱國家危殆此理之必然而非

銀定匹庫全書 詳密皆以君子在内小人在外為天地之常理小人在 前漢所以興隆也親小人遠賢臣此後漢所以傾頹也 内君子在外為陰陽之逆節故一 陽在下其卦為臨陽雖未盛而居中得地聖人知其有 可進之道一陰在下其卦為垢二陰在下其卦為遯 凡典冊所載如此之類不可勝紀至於周易所論尤為 尹則不仁者遠諸葛亮戒其君則曰親賢臣遠小人 未肚而聖人知其有可畏之漸若夫居天地之正得 一陽在下其卦為復二

獨未聞以小人在外憂其不悅而引之於內以自遺患 之時若若子能保其位外安小人使無失其所天下之 をこりをいる 安未有艾也惟恐君子得位因勢陵暴小人 聖人名之曰泰泰之言安也言惟此可以久安也方泰 而不安則勢将必至反覆故泰之九三則曰無平不败 君子既得其位可以有為小人奠居於外安而無怨故 陰陽之和者惟泰而已泰之為象三陽在內三陰在外 不復竊惟聖人之戒深切詳盡所以誨人者至矣 續文章正宗 、使之在 四十六

者也故臣前所上劄子亦以謂小人雖決不可任以腹 內是猶畏盜賊之欲得財而導之於寢室知虎豹之欲 恩賜彼此如 冰炭同處必爭一爭之後小人必勝君子必敗何者小 心至於牧守四方奔走庶務各随所長無所偏廢寵禄 食肉而開之以坰牧天下無此理也且君子小人勢同 人貪利忍耻擊之難去君子潔身重義知道之不行必 引退故古語曰一薰 無迹可指如此而已若逐引而塩之 猶十年尚猶有臭蓋謂此矣

金与四月在書

今者政令已等事勢大定而議者惡於浮說乃欲招而 火巴口巨 / 1 留矣尚賴二聖慈仁不加譴責而宥之於外蓋已厚矣 榜徨敢時若無所指朝廷雖不斥逐其勢亦自不能復 先朝用事之臣皆布列於朝自知上逆天意下失民心 **昔先皇帝以聰明聖智之資疾積靡之俗將以綱紀四** 及二聖臨御因民所願取而更之上下於慰當此之際 方追迹三代今觀其說意本非漢唐之君所能勢縣也 一時臣佐不能将順聖徳造作諸法率皆民所不悦 續文章正宗 ヤナロ

審察遽以為然豈不過甚矣哉臣聞管仲治齊奪伯氏 題者多是以創造語言動搖貴近有之以禍誘之以利 金与四月分書 駢邑三百飯蔬食沒齒無怨言諸葛亮治罰發廖立李 何所不至臣雖不聞其言而既可料矣聞者若又不加 徒然而已哉必將戕害正人漸復舊事以快私忿人臣被 納之與之共事欲以此調停其黨臣謂此人若返豈肯 小人執柄二十年矣建立黨與布滿中外一旦失勢希 福盖不足言而臣所惜者祖宗朝廷也盖自熙寧以來

者尚不為少彼既中懷不悅則其不服固宜今乃直欲 嚴為民徒之邊遠久而不召及亮死二人皆垂泣思亮 招而納之以平其隙臣未見其可也許曰無競維人 國人皆知其所與之非私而所奪之非怨故雖仇雠莫 其貴臣而使之無怨者非有它也賞罰必公舉措必當 夫駢立嚴三人者皆齊蜀之貴臣也管葛之所以能戮 不歸心耳今臣竊觀朝廷用捨施設之間其不合人 其訓之陛下誠以異同反覆為憂惟當久任才性忠

一銀定四庫全書 陛下早發英斷使被此民然無迹可見之為善也臣受 言之不從理不徒止如此則異同之迹益復著明不若 甚天下幸甚臣既待罪執法若見用人之失理無不言 為流言而惑母使小人一進後有噬臍之悔則天下 恩深重賴敢先事獻言罪合萬死 伊尹而不仁之人知自遠矣故臣願陛下斷自聖心不 良識處明審之士但得四五人常在要地雖未及皐陶 論分别邪正劄子

黨自作浮議近者德意一發衆心渙然正直有依人 於斯 亂不生漢用汲照而叛者寢茍存至誠不息之志自 所嚮惟二聖勿移此意則天下誰敢不然衛多君子 時弛張改革整事因民所以屏去小人天下本無異心 至誠之心而加以不息之久則天地可動金石可移 太平可久之 龍則不伏臣伏見太皇太后陛下皇帝陛下隨 功此實社根之福天下之幸也然臣以 而 知

臣聞聖人之德莫如至誠至誠之功存於不息有能推

立李嚴雖流徙邊郡終身無怨此則保國寧人之要術 一一一一一一一一一 自古聖賢之所共由者也臣竊見方今天下雖未大治 必當則此輩與望白消昔田好為相所為貪鄙則實嬰 而祖宗綱紀具在州郡民物粗安若朝廷大臣正己 灌夫睥睨宫禁僥倖有功諸葛亮治蜀行法廉平則廖 昔所柄任其徒實蕃布列中外豈免窺伺若朝廷施 設 平心無生事邀功之意因弊修法為安民靖國之術則 心自定雖有異黨誰不歸心向者異同及覆之憂蓋

置若遂養成邊隙關陝豈復安居如此二事則臣所 節鉞功未可與爭已先形朝廷雖知其非終不明白處 困今者西夏青唐外皆臣順朝廷招條之厚惟恐失之 經今累歲回河雖罷減水尚存遂使河朔生靈財力俱 亦不足處矣但患朝廷舉事類不審詳曩者黃河北流 欠こりらいたち 而熙河将吏創築二堡以侵其膏腴議納醇忠以奪其 正得水性而水官穿鑿欲導之使東移下就高汩五行 理及陛下再遣官吏按視知不可為猶或固執不從 断文章正宗 五工

前民間不復知有衙前之苦及元祐之初務於復舊 吏利在起動人戸以差役為便差法一行即時差足産 完而去年之秋復行差法雖存雇法先許得差州縣官 衙前民間常有破産之患熈寧以後出賣坊場以雇衙 宜正已平心無生事邀功之意者也昔嘉祐以前鄉差 沸騰尋知不可旋又復雇在法有所未盡但當隨事脩 例復差官收坊場之錢民出衙前之費四方驚顧衆議 在誰復首行臣頃奉使契丹道出河北官吏皆為

多分四母全書

縣中等之家大率歲出役錢三貫若經十年為錢三十 是中等則反為害臣且借畿內為比則其餘可知矣畿 行最為其便及元祐罷行准法上下二等於雖可知惟 咨怨至於中等昔既已自差役令又出錢不多雇法之 錢無藝下户昔不充役亦遣出錢故此二等人户不免 寧雇役之法三等人户並出役錢上户以家業高强出 此錢而不用殫民力以供官此聲四馳為損非細又熈 臣言豈朝廷欲將賣坊場錢别作支費耶不然何故惜

次已の事とち

續文章正官

滿為費七十餘貫罷役而歸寬鄉得問三年來鄉不及 貫而已今差役既行諸縣于力最為輕役農民在官 **憐路隣州而不得通融鄰縣人户願出錢雇人充役者** 役人不及三年處州役而不及縣役寬剩錢只得通融 使百錢最為輕費然一歲之用已為三十六貫二年役 **熈寧為利乎然朝廷之法官户等六色役錢只得支雇** 赋役所出多在中等如此安得民間不以令法為害而 歲以此較之則差役五年之費倍於雇役十年所供

多月也压有量

搖撼眾聽矣伏乞宣諭執政事有失當改之勿疑法或 臣恐如此四事彼已黙識於心多造謗議待時而發以 謂宜因與修法為安民靖國之術者也臣以聞見淺狹 不能盡知當今得失然四事不去如臣等華猶知其非 天下皆思雇役而厭差役今五年矣如此二事則臣所 只得自雇而官不為雇如此之類條目不便者非 未完修之無**倦苟民心既得則異議自消陛下端拱以** 而況於心懷異同志在反覆幸國之失有以籍口者乎

冒昧聖聽伏侯誅諸 衙前差役二事臣方根究詳悉續具聞奏臣不勝區區 享承平大臣逡巡以安富貴海內蒙福上下所同所有 数家議論文章· 右論事一名臣· 一名臣· 續文章正宗卷十 之備奏時務時 卷十八日月 中絕者載于此條四日當編號今獨以相趙忠定公己以明報等激切之詞 不取萃。 能六而按 盡一成宋 取而編團 也下門朝

臣以淺陋誤承聖問迫於日晷不敢人留語不及悉家 臣前蒙陛下問及本朝所以事國百年天下無事之故 欽定四庫全書 續文章正宗卷十九 論事從容諷諭汎陳治道 論本朝百年無事劉子 宋 明 倪 真德秀 胡 溢 王安石 原本 增訂 重編

郵定四庫全書 卒外以打夷狄內以平中國於是除奇賦止虐刑廢强 |必盡其材變置設施必當其務故能駕取將師訓齊士 太祖躬上智獨見之明而周知人物之情偽指揮付託 政發令之間一以安利元元為事太宗承之以聰武真宗守 横之藩鎮誅貪殘之官吏躬以簡儉為天下先其於出 獻非近臣所以事君之義故敢冒昧而粗有所陳伏惟 聲而退竊惟念聖問及此天下之福而臣遂無一言之 以謙仁以至仁宗英宗無有逸德此所以享國百年

|沙モコヤシ 之競因任眾人耳目拔舉跳遠而隨之以相坐之法盖 擇其可亦足以中鑒於方令伏惟仁宗之為君也仰畏 施為本末臣所親見嘗試為陛下陳其一二而陛下詳 吏之殘擾寧屈已棄財於夷狄而終不忍加兵刑平而 天俯畏人寬仁恭儉出於自然而忠怨誠愁終始如 而天下無事也仁宗在位歷年最久臣於時實備從官 公賞重而信納用諫官御史公聽並觀而不蔽於偏至 小嘗妄興一役未嘗妄殺一人斷綠移在生之而持惡 請文章正宗

有良将以御之而謀變者軟敗聚天下財物雖有文籍 平而公之效也募天下驍雄横猾以為兵幾至百萬非 姓自夏人順服蠻夷遂無大變邊人父子夫婦得免於 監司之吏以至州縣無敢暴虐殘酷擅有調發以傷百 近習莫敢强橫犯法其自重慎或甚於問卷之人此刑 役未當妄殺一人斷獄務在生之而将惡吏之殘擾寧 兵死而中國之人安逸蕃息以至今日者未嘗妄與 すりせんとこう)棄財於夷狄而不忍加兵之效也大臣貴戚左右 ŧ. Ħ.

大江とりまたにから !! 縣令京官以至監司臺閣陞權之任雖不皆得人然 姦愿隨報上聞食邪横猾雖問或見用未嘗得久此納 之耳目拔舉嫌遠而隨之以相坐之法之效也升遐之 時之所謂才士亦罕蔽塞而不見收舉者此因任衆 委之府史非有能吏以鉤考而斷盜者報發凶年饑歲 也大臣贵戚左右近習莫能大櫃威福廣私貨駱一 流者填道死者相枕而寇攘者縣得此賞重而信之效 用諫官御史公聽並觀而不蔽於偏至之讒之效也自 續文章正宗 有

子グロルノアル 非不見貴然小人亦得剛其間正論非不見容然邪說 理勢而精神之運有所不加名實之間有所不察君子 親友羣臣之議人君朝夕與處不過宦官女子出而視 人夫討論先王之法以措之天下也一切因任自然之 又不過有司之細故未嘗如古大有為之君與學十 下號慟如喪考此此寬仁恭儉出於自然忠恕誠 之效也然本朝累世因循末俗之與而

立營職者或見排沮故上下偷情取容而已雖有能者 恤又不為之設官以脩其水土之利兵士雜於疲老而 在職亦無以異於庸人農民壞於縣役而未當特見殼 續而游談之衆因得以亂真交私養望者多得顯官獨 司無檢察之人守将非選擇之吏轉徙之亟既難於考 則聚卒伍無賴之人而未有以變五代姑息羈縻之俗 之法以科名資歷叙朝廷之位而無官司課試之方監 禾嘗中敕訓練又不為之擇将而久其疆場之權宿衛

黄之章王云

銀定四庫全書 常特知人事之不可怠終則大有為之時正在今日臣 之宜其於理財大抵無法故雖儉約而民不富雖憂勤 宗室則無殺訓選舉之實而未有以合先王親疎隆殺 仰畏天俯畏人寬仁恭儉忠恕該慰此其所以獲天助 不敢輒廢将明之義而茍逃諱忌之誅伏惟陛下幸赦 也伏惟陛下躬上聖之質承無窮之緣知天助之不 天下無事過於百年雖曰人事亦天助也蓋累聖相繼 而國不强賴非夷狄昌熾之時又無克湯水旱之變故

玩好之物然後能精於用志能精於用志然後能明於 不殖貨利而後曰用人唯已蓋以謂不淫耳目於聲色 而臣待罪近司職當先事有言者也竊聞孔子論為邦 先放鄭聲而後曰遠佞人仲虺稱湯之德先不避聲色 臣竊以為陛下既終亮陰考之於經則羣臣進戒之 而留神則天下之福也 理能明於見理然後能知人能知人然後任人可得 進戒疏 剪しきとは

銀定四庫全書 法度之行風俗之成甚易也若夫人主雖有過人之材 而不能早自戒於耳目之殺至於過差以亂其心之所 惟陛下即位以來未有聲色玩好之遇聞於外然孔子 說該行必窺間乗好而作則其至於危亂也豈難哉伏 聖人之盛尚自以為七十而后敢從心所欲也今陛下 思則用志不精用志不精則見理不明見理不明則都 而遠忠臣良士與有道之君子類進於時有以自竭則 以鼎盛之春秋而享天下之大奉所以感移耳目者為

准御史臺告報臣察朝辭日具轉對臣愚淺薄恐言不 勝惓惓 名而天下皆蒙陛下之澤則豈非可願之事哉臣愚不 陛下自爱以成徳而自强以赴功使後世不失聖, トンこしりこと しこう 聖人之材付陛下則人亦將望聖人之澤於此時伏 之生聖人之材甚否而人之值聖人之時甚難天既以 不少矣則臣之所豫慮而陛下之所深戒宜在於此天 熈寧轉對疏 橋文章正宗 曾 بر 單

到分四母全書 故顯徳之政亦獨能變五代之因循夫當衆說之馳騁 初即位亦延羣臣使陳當世之務而能知王朴之可 而能無封倫用魏鄭公之說所以成貞觀之治周世宗 足宋然臣竊觀唐太宗即位之初延羣臣與圖天下之事 承天序亦記草臣使以次對然且將歲餘未聞取 君能辨之於羣衆之中而用之以收 七所以常感知言之少而领二君之明也今陛下始 以獨見之言陳未形之得失此聽者之所難也然 時之效此後世

K. 19 2:1 : | 言之少乎臣所言如左臣伏以陛下恭儉愈仁有能承 明豈足道於後世而士之懷抱忠一作義者豈復感知 超然獨觀於世俗之表詳思臣言而擇其中則二君之 比迹於唐虞三代之盛如太宗世宗之所至恐不足以 望陛下故臣之所言亦不敢効二臣之卑近伏惟陛下 **殆進言者未有以當陛下之意也陛下明智大略固將** 延問者将用累世之故事而不必求其實數臣愚竊計 一言豈當世固乏人不足以當陛下之意與抑所以 續大章正宗

|家今之天下則風俗日以薄惡紀綱日以弛壞百司庶 流亡部言相為之患三者皆非常之變也及人作從 羣臣之所能及也然而所遇之時在天則有日食星變 則不足於食貨近則不能不以盜賊為應遠則不能不 與在地則震動陷裂水泉湧溢之災在人則有饑饉 ,朝晏罷廣問兼聽有更制變俗比迹唐虞之志此非 切文具而已内外之任則不足於人材公私之計

金好四月全書

卷十九

宋· 廟之德聰明曆知有能任天下之材即位以來

之於心而已得之於心者其術非他學馬而已矣此致 要其所以為始者致其知也故臣以謂正其本者在得 範所以和同天人之際使之無問而要其所以為始 安也以陛下之明而所遇之時如此陛下有更制變俗 本者思也大学所以誠意正心修身治其國家天下而 事理臣以謂正其本者在陛下得之於心而已臣觀洪 比迹唐虞之志则亦在正其本而已矣易曰正其本萬 以夷狄為憂海內智謀之士常恐天下之勢不得以久 作

皆不勞而能也盖學所以成人主之功德如此誠能磨 **致定四庫全書** 館長養至於有以自得則天下之事在於理者未有不 學故孟子以謂學焉而後有為則湯以王齊桓公以霸 有不由學而成而傳說周公之輔其君未嘗不勉之 以 循理而已矣邪情之所不能入也從善而已矣邪說之 累其内天下之以言語接於我者無以蔽其外夫然則 能盡也能盡天下之理則天下之事物接於我者無以 其知所以為大學之道也古之聖人舜禹成湯文武未

累其内所以治内也言語之接於我者不能蔽其外所 者孔子之所不能已也夫能使事物之接於我者不能 從心之不踰矩豈他道哉由是而已矣故曰念終始典 善而充之至於不可知之神自十五之學而積之至於 所不能亂也如是而用之以持久資之以不息則積 于學又曰學然後知不足孔子亦曰吾學不厭蓋如此 者必至於大精其微者必至於顯古之人自可欲之 應外也有以治內此阶以成德化也有以應外此

欽定四庫全書 足以累其內天下之以言語接于我者足以敬其外去 道也一切的簡弱於流俗末世之甲淺以先王之道為 以成法度也德化法度既成所以發育萬物而和同天 王之道以明其心為人臣者莫知引其君以及先王之 人之際也自周夜以来道術不明為人君者莫知學先 不能盡也不能盡天下之理則天下之以事接於我者 之具至于不能有以自得則天下之事在于理者有所 迁遠而難遵人主錐有聰明敏達之質而無磨態長養

然故欲循理而邪情足以害之欲從善而邪說足以亂 夫該唐廣三代之盛徳則彼烏足以云乎由其如此故 學不能遠而所知者随故足以賢於近世之庸主矣若 者若漢之文帝宣帝唐之太宗皆可謂有美質疾由其 消天下之所以不治而有至于亂者以是而已矣此周 能見效其故則至於邪情勝而正理滅邪說長而正論 衰以來人主之所以可 傳於後世者少也可傳於後世 之如是而用之以持久則愈其無補行之以不息則不

文色の事人

請文章正宗

者也然臣敢獻之於陛下者臣觀先王之所已試其言 **もプロアノとうで** 最近而非遠其用最要而非迁故不敢不以告者此臣 自周衰以來千有餘年天下之言理者亦皆平近淺陋 漸清於道義之日又不為不久然臣以一。 所以事陛下區區之志也伏惟陛下有自然之聖質而 矣臣之所言乃周哀以來千有餘年所謂迁遠而難遵 孔子之聖孟子之賢而猶不遇也今去孔孟之時又遠 以趨世主之所便而言先王之道者皆絀而不省故以

他之體要不取乎口耳之小知不急乎朝夕之近效復 學者非明主之所宜已也陛下有更制變俗比迹唐虞 於理者未有不能盡也能盡萬事之理則內不累於天 知治道之所本不在於他觀傳說問公之所戒一作 在學焉而已者臣愚以謂陛下宜觀洪範大學之所陳 沙巴の事人をよる 之志則當懇誠惻怛以講明舊學而推廣之務當於道 更制變俗比迹唐虞之志則在得之於心得之於心則 熟之使聖心之所存從容於自得之地則萬事之在 續文章正宗

之所不能亂也如是而用之以持人資之以不息則雖 夫追遠哉顧勉强如何耳夫然故內成德化外成法度 知之神以陛下之唇智而積之以至於從心之不踰矩 細必鉅雖微必顯以陛下之聰明而充之以至於不可 以發育萬物而和同天人之際甚易也若夫移風俗之 またロノ 下之物外不累上作於天下之言然後明先王之道而 惡振紀綱之弛壞變百司庶務之文具属天下之 一邪情之所不能入也合天下之正論而用之邪說

沙芝日東在門 一 所未一於國家天下愈其無補而風俗綱紀愈以哀壞 累外未能無纖芥之蔽則臣恐欲法先王之政而智 也非獨如此自古所以安危治亂之幾未當不出於此 志處有所未審欲用天下之智謀材辭之士而議論有 而不得何為而不成乎未有若是而福應不臻而變異 使之服從海內之勢使之常安則惟陛下之所欲何求 使稱其位理天下之財使瞻其用近者使之親附遠者 不消者也如聖心之所存未及於此內未能無秋毫之 續文章正宗 1

而其孫太康乃墜厥緒湯之烈盛矣而其孫太甲既立 舄夹繁行久而彌昌者蓋天人之理必至之符然生民 臣聞基厚者勢崇力大者任重故功徳之殊垂光錫祚 臣所以事陛下區區之志也甎不自知其固陋而敢言 以來能避昼益者未有如大宋之隆也夫禹之績大矣 國家之大體惟陛下審察而擇其宜天下幸甚 臣幸蒙降問言天下之細務而無益於得失之數者非 移滄州過闕上殷

ACTORING TOTAL 還綱紀做矣至於五代蓋五十有六年而更八姓十 而失唐之治在於貞觀開元之際而女禍世出天寶以 相尋以起建武中興然冲質以後世故多矣魏之惠天 之智并天下然二世而亡漢定其亂而諸召上國之禍 之子榜王殆於荒服暨於幽属陵夷盡矣及秦以累世 成王始收太平之功而康王之子昭王難於南狩昭王 下為三晉宋之患天下為南北隋文始一海内然傳子 不明周自后稷十有五世至于文王而大統未集武王 衛文章正宗

憲克紹克類保世靖民丕丕之烈為帝太宗徳未有甚 者也太宗皇帝適求殿寧既定晉疆錢做自歸作則垂 來同復禹之跡內輯師旅而齊以節制外平藩服而納 傳弟為萬世策造邦受命之勤為帝太祖功未有高焉 營而彌綸已悉莫貴於為天子莫富於有天下而合子 更生兵不再武而粵蜀吴楚五國之君生致闕下九州 以繩墨所以安百姓禦四夷綱理萬事之具雖創制經 四君其廢興之故甚矣宋與太祖皇帝為民去大殘致

金グログイラー

出天下平而西北之衆猶問入閱邊至于景徳二百五 焉者也真宗皇帝繼統遵業以涵煦生養蕃息齊民以 燧無鷄鳴大吹之驚誓作以迄於今故於是時遂封表 并容编覆撥服異類蓋自天寶之末守內板湯及真 真宗仁宗皇帝宽仁慈恕虚心納諫慎注錯謹規矩 朝晏退無一日之懈在位日久明於羣臣之賢不肖忠 **山禪社首薦告功德以明示萬世不桃之廟所以為帝** - 餘年契丹始講和好徳明亦受約東而天下銷鋒 強と声上に

施而人悅之也積之以誠 心民皆有父之尊有母之親 一致 定四庫全書 故棄羣臣之日天下聞之路祭卷哭人人感動飲飲 免世以謂得取臣之體春秋未高援立有德傳付一 邪選用政事之臣委任責成然公聽立觀以周知其情 惟允故傳天下之日不陳一兵不宿一士以戒非常而 偽其用含之際 下晏然殆古所未有其豈弟之行足以附衆者非家 "深未有知其所繇然者故皇祖之廟為宋仁宗 稽於眾故任事者亦皆整懼否無能 A F 作

英宗皇帝聰明睿智言動以禮上帝眷相大命阶集而 陛下神聖文武可謂有不世出之姿仁孝恭儉可謂有 皆知其志在有為雖早遺天下成功磁烈未及宣究而 延見三事省決萬幾必咨訪舊章考求古義聞者惕然 為而天下傳頌稱說德號彰聞及正南面勤勞庶政每 稱疾避避至于累月自踐東朝淵默恭慎無所言議施 明識大畧足以克配前人之休故皇考之廟為宋英宗 之大徳憫自晚周秦漢以來世主不能獨見於衆

政為其任在已可謂有出於數千載之大志變易因循 號令必信使海内觀聽莫不奮起羣下遵職以後為羞 其民者刑與賦役之 可謂有能行之效令斟酌損益革敞興壞制作法度之 (之表 其政治所出大抵踵襲卑近因於世俗而已於 祖四宗之緒推而大之可謂至矣蓋前世或不能 慨然以上追唐虞三代荒絕之跡修列先王法度之 以大備非因随就寡拍牵常見之世所能及也繼 政暴也宋興以來所用者鞭扑

一多定四庫全書

15

者天下之勢或在於外戚或在於近習或在於大臣宋 減之宜下蠲除之令蓋未當加 其操柄者如此而況輯師旅於內天下不得私尺兵 興以來戚里官臣曰將曰相未嘗得以檀事也所以謹 未當與一暴役也所以附民者如此前世或失其操 柄 知力政然循憂憐惻怛常謹復除之科急擅與之禁蓋 然猶詳審反復至於緩固縱之誅重誤入之辟蓋未 一暴刑也田或二十而稅 暴賦也民或老死不 然歲時省察數議寬

欽定四庫全書 萬里奔走山嚴窟穴之氓不待期會而時輸成送以供 柄謹於上處勢甚便而加之以憂勞此今之所以治 操柄又怠且忽此前世之所以危且亂也民附於下操 安也故人主之尊意諭色授而六服震動言傳號沒 卒之用平藩服於外天下不得專尺土一氏之力其自 其職者惟恐在後航浮索引之國非有發召而贏獨索 (懈也其憂勞者又如此蓋不能附其民而至於失 一勢如此至於畏天事神仁民愛物之際未當有

也蓋遠莫懿於三代近莫盛於漢唐然或四三年或 服而戲豫東南之夷正冠東衽相與挟冊而吟誦至於 六府順叙百嘉鬯逐凡在天地之内含氣之屬皆裕如 負以致其擊者惟恐不及西北之戎投弓縱馬相與於 世而天下之變不可勝道也豈有若今五世六聖百 處萌於其心無接抱擊桥之戒接於其耳一無目臣 曰生民以來未有如大宋之隆也竊觀於詩其在風 一十餘年自通邑大都至于荒阪海聚無變容動色 有之軍王芸

微物無不稱紀所以論功德者由小以及大其詳如此 言者蓋農夫女工築室治田師旅祭祀飯尸受福委曲 壞蓋歌其善者所以起其嚮暴興起之意防其怠廢難 徒薦告鬼神覺寤黎庶而已也書稱勸之以九歌俾勿 雅陳大王王季文王致王述之所由與武王之所以繼 之常務至於兎且之武夫行修於隱牛羊之牧人爱及 代而成王之興則美有假樂見驚戒有公劉泂酌其所 嗣所以昭先人之功當世之臣子所以歸美其上非

欽定匹庫全書

老十九:

| 欽定四庫全書 | | 武王成王而羣臣之於考次論撰列之簡冊被之金石 宋祖宗與造功業猶大王王季文王陛下承之以德猶 考之則祖宗神靈固有待於陛下臣誠不自揆軟冒言 周之德盛於文武而雅頌之作皆在成王之世令以時 法戒於將來聖人之所以列之於經垂為世教也今大 久之情養之於聽而成之於心其於勸帝者之功美胎 其大體至於尋類取稱本隱以之顯使莫不究悉則今 以通神明昭法式者闕而不圖此學士大夫之過也蓋 長十九年正宗

者明之至智之盡也如此者非周獨然唐虞至治之極 善至成王周公為最盛之時而河酌言皇天親有德黎 有道所以為成王之戒蓋履極威之勢而動之以戒懼 文學之臣充於列位惟陛下之所使至若周之積仁累 也其君臣相飭曰兢兢業業一日二日萬幾則處至治 基廣太平之祚而世世治安三代所不及則宋與以來 全盛之時實在今日陛下仰探皇天所以親有他餐有 之極而保之以祗慎唐虞之所同也今陛下履祖宗之

致定四庫全書 舜之主也至誠之外更行他道皆為非道至仁之外更 循之無窮至千 也惟陛下之所擇 **積臣愚區區愛君之心誠不自揆欲以庶幾詩人之義** 道之意而奉之以寅畏俯念一 不察而處之以兢兢使休光美實日新歲益閱遠崇侈 君以至誠為道以至仁為德守此二言終身不易奏 上初即位論治道代品申公 作萬世永有法則此陛下之素所蓋 領文章正安 日二日萬幾之不可以 1 蘇

戼 一聲色動於幾假之間而精阻行於千里之外强者為敵 弱者為怨四海之内如盜賊之憎主人鳥獸之畏弋獵 圖心眼相與者如此而天下之不治未之有也絲毫之 親戚外至四夷皆推赤心以待之不可以終毫偽也如 则 則四海之内親之如父子信之如心眼未有父子相 他德皆為非德何謂至誠上自大臣下至小民內自 萌於心如人有病先見於脉如人飲酒先見於色 入主孙立而危亡至矣何謂至仁視臣如手足視臣 老十九 一段定四車全書 人 **術文姦言以濟暴行為申商之學者則曰人主不可以** 古今已武之效也去聖益遠都說滋熾風常道而求異 而國安以天道言之則享年永而十世長此必然之理 至仁無敵審能行之當獲四種福以人事言之則主逸 於奪民利此四者陷民之坑牢而代國之斧鉞也去此 於好用兵怨莫大於好起獄災莫深於與土功毒莫甚 四者行彼六者而仁不可勝用矣傳曰至誠如神又曰 如赤子我兵省刑時使薄敛行此六事而已矣禍莫逆 續文章正院 千一

乎為莊老之學者則曰聖人不仁以百姓為獨狗欲窮 於臣下則莫若捨已而從眾眾之所是我則與之眾之 福惟辟作威此言威福不可移於臣下也欲威福不移 吾以禁姦愿而全善人欲虐使厚斂則曰吾以強兵革 兵黷武則曰吾以威四夷而安中國欲煩刑多殺則曰 二世王莽當用之矣皆以經析附會其說書曰惟辟作 而誅暴亂雖若不仁而卒歸於仁此皆亡國之言也泰 不學術數人主天下之父也為人父而用術於其子可 **飯定四車全書** 者畏威之謂也愛者懷私之謂也管仲曰畏威如疾民 受之說行矣然後從而賞罰之雖名為人主之威福而 與人主作矣書曰威克厥爱允濟爱克厥威允因功威 徧天下要必資之於人爱憎喜怒各行其私而浸潤膚 其實左右之私意也姦人獨吾威福而賣之於外則權 不可以不作威福於是違眾而用已已之耳目終不能 主也如此則威福將安歸平今之說者則不然曰人主 非我則去之夫衆未有不公而人君者天下公議之 **トランテント**

事併為儒者之榮臣軾中謝始臣之學也以適用為本 備員西學已愧空缺易職東班尤為看遊領宗御之 長有天下此不可不辨也 之上也從懷如流民之下也畏威之心勝於懷私則事無 不成今之說者則不然曰人君當使威刑勝於惠愛如 則予不如奪生不如殺竟不如禁而幽厲桓靈之 **恥空言故其任也以及民為心而輕尸禄乃者屢請** 謝除兩職守禮部尚書表

何言今乃以文字為官常語言為職業下無所見其能 治郡兼乞守邊欲及殘年少施實効而有志莫遂負愧 德化民輔成刑措之功而孝景帝入晁錯數術之語則 言得失之間恭惟皇帝陛下即位以來學如不及問道 否上無所考其幽明循省初心有靦面目故於拜恩之 欠三日 三三 以智取物馴致七國之禍乃知為國安危之本祇在聽 日少陳有益之言孔子曰一言可以與邪而孟子亦曰 正君而天下定告漢文帝悦張釋之長者之言則以 續文章正宗

民財勤者謂躬親庶政不通聲色慎者謂畏天法祖不 利八年之間指陳至理何啻千萬雖所論不同然其要 明慈者謂好生惡殺不喜兵刑儉者謂約已省費不傷 不出六事 不雜小人此六者皆先王之陳迹老生之常該言無新 一年寒暑不廢講讀之官談王而不談霸言義而不言 八言誠者謂推心待下不用智數明者謂專信君子 八所忽易譬之飲膳則為穀米羊死雖非異味而有 日慈二日儉三日勤四日慎五日誠六日

金与四月子書

次足り早亡ら 書及不如醫下執技之流簿書犇走之更其為尸素死 盡之鳴過耳而已則臣等雖以三尺之喙日誦五車之 益がく 陛下聽而不受受而不信信而不行如聞春禽之聲秋 福禄難量而臣等所學先王之道亦不為無補於世若 命若陛下信受此言如御飲膳如服藥石則天人自應 有餘誅伏願陛下 《醫之藥石則為者术參苓雖無近効而有益於 校正陸對奏議割子 一覧臣言少留聖意天下辛甚 衛文章正宗

徳宗以苛刻為能而贄諫之以忠厚徳宗以猜疑為你 多傳於古人若已經效於世間不必皆從於已出伏見 離於道德智如子房而丈則過辯如賈誼而術不疎上 唐宰相陸費才本王佐學為帝師論深切於事情言不 有限而道無窮心欲言而口不遠以此自愧莫知所為 以格君心之非下以通天下之志但其不幸仕不遇時 竊謂人臣之納忠譬如醫者之用藥藥雖進於醫手方 臣等猥以空疎備員講讀聖明天縱學問日新臣等

もンセルノー

十九

大にり事人にす! 暫議論但使聖賢之相契即如臣主之同時昔馮唐論 颇牧之賢則漢文為之太息魏相係晁董之對則孝宣 之樂石鎮害身之膏肓使德宗盡用其言則貞觀可得 思情名器以待有功如此之流未易悉數可謂進苦口 好聚財而贄以散財為急至於用人聽言之法治邊馭 而復臣等每退自西閣即私相告言以陛下聖明必喜 將之方罪已以收人心改過以應天道去小人以除民 而贄勸之以推該德宗好用兵而贄以消兵為先德宗 續文章正宗

等不勝區區之意 稍加校正繕寫進呈願陛下置之坐隅如見贄面反復 熟讀如與暫言必能發聖性之高明成治功於歲月臣 離譬如山海之宗深難以一一而推擇如贄之論開卷 史諸子百家非無可觀皆足為治但聖言幽遠末學支 了然聚古今之精英實治亂之龜鑑臣等欲取其奏議 以致中興若陛下能自得師莫若近取諸教夫六經三 文章正宗卷十九

金にというとろうと

老十九

沙足四草公島 欽定四庫全書 續文章正宗卷二十 論事 論事 論治道事宜 婦大夫 陳 害如我流議之議論事宜及獲 類利 明 胡 真德秀 原本 倪 澄 增訂 重編

コクロ人ノート 續文章正宗卷二十 論事 論述時政者為一條 論君道聖學為一條 如朋黨論之 **超**给 给 是 之非 類如 類失 巻二十 文已日年八子司 一 類入之門目次叙間有未的必反覆繹公初意稍 惠後學深公出示此編如獲拱壁逐定議索諸集 者澄倚席枯山與增教鄭君嗇費裒贏議刊書以 簿梁公親見公手澤本而録其目及文之經標識 僅有其目者則虚寘于末一代之文粲然略備或 其勞凡三月而崇具又四月而工畢釐為二十卷 右國朝文章正宗西山真文忠公晚歲所續也宗 加整比皆取正於梁公窮日夜力繙校鄭君亦分 續文章正宗原政

